



ՀԱՅԱՍՏԱՆԻ ԳՐՈՂՆԵՐԻ
ՄԻՈՒԹՅԱՆ ԳՐԱԿԱՆ -
ԳԵՂԱՐՎԵՍՏԱԿԱՆ,
ՀԱՍԱՐԱԿԱԿԱՆ - ՔԱՂԱՔԱԿԱՆ
ՀԱՆԴԵՍ
ՀՐԱՏԱՐԱԿՈՒՄ Է 1933 ԹՎԱԿԱՆԻՑ

"NORK" MAGAZINE OF WRITERS UNION OF ARMENIA is being published from 1933

ԲՈՎԱՆԴԱԿՈՒԹՅՈՒՆ

ԲԱՆԱՍՏԵՂԵՈՒԹՅՈՒՆ

- 26 Սարգիս ԿԻՐԱԿՈՍԵԱՆ. Օրհներգ մերօրեայ ասպետներուն
46 Գայանե ԲԱԲԱՅԱՆ

ԱՐՁԱԿ

- 3 Ռուբեն ՀՈՎՍԵԹՅԱՆ. Ծիրանի ծառերի տակ
36 Վաչագան ԳՐԻԳՈՐՅԱՆ. Նամակ
51 Թորոս ԶԻՖԼԵԱՆ. Անգէն հերոսներ
63 Խաչիկ ԽԱԶԵՐ. Անելանելին
Ապրեք, երեխեք, բայց...

ԱՐՅԱԽՅԱՆ ՁԱՐԺՈՒՄ - 10

- 73 Լեւոն ՄԵԼԻՔ-ՇԱՀՆԱԶԱՐՅԱՆ. Քաղաքականությունը իբրեւ
սպանության միջոց

ՀՐԱՊԱՐԱԿՈՒՄ

- 81 Գրիգոր ՋԱՆԻԿՅԱՆ. Համաստեղ եւ Կարապենց՝
տունդարծի հավատը
104 Լեւոն ՄԿՐՏՉՅԱՆ. «Մենակ մեկ Հայաստան կա, ան ալ հոս է...»

ԳՐԱԿԱՆԱԳԻՏՈՒԹՅՈՒՆ

- 119 Ռուբինա ՓԻՐՈՒՄԵԱՆ. Յակոբ Կարապենց՝
հայապահպանման զինուոր...

ԱՃԽԱՐՀԻ ԳՐԱԿԱՆՈՒԹՅՈՒՆ

- 124 Գաբրիել Գարսիա ՄԱՐԿԵՍ. Սերը ժանտախտի օրերին



Ուրբինա ՓԻՐՈՒՄՅԱՆ

Յակոբ Կարապետցը՝ հայապահպանման գինուոր, սփիւռքահայ ինքնութեան փնտռող

Ժամանակը դեռ իր դրոշմը չի դրել նրա գրական ժառանգութեան վրայ, նրա գրականութիւնը դեռ յաւիտենականութեան ճամբան չի բռնել ու ներկայի կենդանի կապերով, ապրող ու շնչող թելերով շարունակում է ցանցել մեր իմացական, գիտակցական ընկալումը: Յնարաւո՞ր է հաստատ ու ինքնապատահ դատել, քննադատել, գնահատել, գինը հատել եւ կարապետցեան գրականութեան վկայագիրը արձակել, նրա տեղն ու դիրքը հայոց գրականութեան պատմութեան մէջ ճշտորոշել: Յնարաւո՞ր է սառնութեամբ հաստատել, թէ փակուած է էջը նրա կեանքի, ընդհատուած է յաւիտեան նրա վէպը դեռ իր գագաթնակէտին չհասած: Յնարաւո՞ր է անձը, որ դեռ այնքան մօտից է խօսում մեր սրտերին, անջատել իր գրականութիւնից եւ այդ գրականութիւնը դիտարկել իր ժամանակի ու միջավայրի պայմաններում: Հազիւ թէ: Ուրեմն չեն յաւակնում: Հաւատում են, որ մէկը մի օր պիտի գայ եւ խղճմտութեամբ ու գիտական մեթոդաբանական տուեալներով գինուած պիտի ուսումնասիրի, վերլուծի, մեկնաբանի ու իր ժամանակի խօսքն ասի 40 տարիների ընթացքում նրա ստեղծած գրականութեան մասին՝ ամբողջ 9 հատորներ սկսած 1955-ից արդէն գրի առնուած ու արբերականների մէջ լոյս ընծայուած եւ 1970-ին «Անծանօթ Հոգիներ» ժողովածուով հրատարակուած պատմութեան միջին «Կարթագենի Հարսը», «Նոր Աշխարհի Հին Սերմնացաններ»ը, «Միջնարար»ը, «Աղամի Գիրք»ը, «Ամերիկեան Շուրջպար»ը, «Անկատար»ը, մինչեւ «Երկու Աշխարհ» ու վերջինը՝ 1994-ին հրատարակուած «Մի Մարդ Ու Մի Երկիր», բոլորը միասին շուրջ 3000 էջ եւ դեռ մի շարք գրադատական եւ այլ յօդուածներ թերթերում ցրուած եւ անտիպ բանաստեղծութիւններ ու գրութիւններ: Մի այդպիսի համապարփակ մենագրութիւն կ'լինի արժանի վերաբերումը Յակոբ Կարապետցի անձին ու գործին: Իսկ իմ հպանցիկ ընթերցումը այսօր թող որ գայ աւելանալու նրա գրական ժառանգութեան վրայ, գումարուի այն բոլոր վերլուծական ընթերցումներին, որ կատարուել են ու պիտի կատարուեն, ճոխացնելու, հարստացնելու նրա ճանաչումը, սատարելու նրա ժառանգութեան յաւիտենականացման:

«Իմացական մեր կեանքին հաղորդ ամէն ոք գիտակ է նուազումին, որուն ենթարկուած է սփիւռքեան գրականութիւնը»:

«Տաղանդներ կ'ան. կու գան անոնք՝ անկախաբար իրենց ու մեր կամքէն, սակայն չեն բացուիր մեր անդաստաններուն վրայ: Կ'ան ուղի կը փոխեն, կ'ան

կը ծաղկին դրացի պարտեզներու մէջ: Օդը քիչ կու գայ իրենց՝ հայ շրջապատի մէջ. յաճախ նաեւ թոյն կը դառնայ: Կը փորձեն ներշնչել, սակայն կը զգան թէ թոքերու կծկում կ'ունենան»:

1970ին «Հայրենիք»-ում գրած Մինաս Թէօլէօլեանի այս տողերը բնութագրում էին ամերիկահայ Սփիւռքի գրական մթնոլորտը այդ շրջանին, որ իմացական ամլութիւն էր արտացոլում, գրական եւ մշակութային ամայացում էր պատկերում. պատկերում էր տագնապը, որ Սփիւռքինն էր, տագնապը, որ յետպատերազմեան մշակոյթի եւ հաղորդակցական միջոցների յեղաշրջումն էր բերել: Յետպատերազմեան այս յեղաշրջումի պարտադրած պայմաններում հնից եկած, հին աշխարհի մշակութային հաւաքականութիւնների տարտղնուած մնացորդացի արտայայտչական ձեւերն ու միջոցները ժամանակավրէպ էին ու անհարազատ: Պայքար էր հայ մնալը. պայքար էր՝ գուցէ աւելորդ կամ նոյնիսկ անընդունելի:

Եւ Կարապետը մաքառում էր հոսանքն ի վեր: Նա գրական ասպարէզ էր մտել իբրեւ հայ գրագէտ, որ գիտակցաբար գրում էր հայերէն: Իր արուեստի արտայայտութեան լեզուն ընտրել էր հայերէնը, որ միայն անմշան, լուսանցքային արժէք պիտի ունենար միջավայրի մշակութային կեանքում: Ընտրել էր արեւելահայերէնը՝ աւելի խորթ այդ օրերի ամերիկահայ Սփիւռքի համար, արեւելահայերէնը՝ սակայն մաքուր, հիւթեղ, պատկերաւոր ու հարազատ, որ իր հայրն էր փոխանցել, որ Թաւրիզի Հայկազեան դպրոցն էր տուել, որին տիրապետել էր Թաւրիզի փողոցներում աղջիկներին սէր բացատրելիս, իր տաբէկից տղաների հետ կռուելիս ու հայիոյելիս:

Սիջին Արեւելքի մշակութային ու կենցաղային խստաբարոյ հասկացողութիւններով սահմանուած շրջանակի մէջ դաստիարակուած Յակոբիկը, բարձրագոյն կրթութեան իղծով, նոր հորիզոններ նուաճելու ձգտումով, Ամերիկա էր հասել: Ու պիտի գտներ ինքն իրեն, պիտի յայտնաբերէր իր նոր եսը, այսինքն՝ մի նոր հասկացողութեան գար ինքն իր հետ, բնորոշէր իր եսի յարաբերութիւնը սփիւռքահայ այս նոր գաղութի պատմութեան հետ, ընկերութեան հետ: Այդ երկար ու ցաւոտ որոնումի արդիւնքը ու վերջապէս այդ եսի ձեւաւորումը բնութագրուած է «Երկու Աշխարհ» գրական փորձագրութիւնների մէջ (1992), պարզ ու որոշ:

«Ես Սփիւռքի ծնունդ եմ: Իմ աշխարհը Սփիւռքն է: Իմը արտերկրի գրականութիւն է, մեծ ուստանների թոհուրոհը, Սփիւռքի կոտորակուած հայութիւնը, հայն ու ամերիկացին, մարդն ու միջուկային արհաւիրքի մշտառկայ մղձաւանջը: Մենք սարսափած ու շփոթահար այն սերունդն ենք, որ պայքարում է յանուն մարդկային իրաւունքների: Պայքարում յանուն մեր փրկութեան: Կարելոր՝ նաեւ այն տեսակէտից, որ կա՛նք, յարատեւում ու ստեղծագործում ենք, փորձնական ու յեղափոխական, թէկուզ ոչնչապաշտները վաղուց մեր մահուան ահազանգն են հնչեցրել» (էջ 59):

Անձնական կեանքում ու գործի ասպարէզում յաջողել էր նա: Ամերիկեան թերթերի թղթակից էր ու աշխատակից՝ իր կրթութեամբ, իր գործով: Ուրեմն, որքան աւելի դիւրին պիտի լինէր նրա համար նուիրուել իր ընտրած գործի ասպարէզին, ապրել հանգիստ, ու իր ստեղծագործական մտքի թռիչքներին յազուրդ տալ հենց միջավայրի հետ քայլելով, միջավայրի լեզուով արտայայտուելով: Ինչո՞ւ գրել մի լեզուով, որ կարդացող չունի, գրել այնպիսի նիւթերի մասին, որ մի բուռ փոքրամասնութեան ցաւն է, տառապանքը, կեանքի թնջուկը: Ինչո՞ւ արտադրել այդքան առատ, այդքան եռանդով, երբ վաղուց էր հնչեցուել իր ու իր տեսակների մահուան ահազանգը: Ինչո՞ւ: Ինչո՞ւ: Այդ ինչուները

կախուած մնացին ոչ միայն Կարապետի գլխին իր ամբողջ կեանքում, այլ չար-
չարեցին, բզկտեցին հոգիները նրա կերտած հերոսների, որոնցից ամեն մէկը
մի բեկոր ունեն նրա հոգին արտացոլող, ամեն մէկի մէջ մի բան կայ նրա անձից,
հոգու տառապանքից, ցաւից, ուրախութիւնից, յաջողութիւնից, ծախսողութիւնից:
Նրանք էլ Կարապետի պէս իրենց դալուկ աչքերում կրում են տարագիր
ժողովրդի ցաւը, կարօտը («Որեւէ Տեղից Մինչեւ Այստեղ», էջ 156, «Անծանօթ
Հոգիներ»):

Եղեռնը խախտել է կեանքի բնական օրենքները: Եւ Կարապենցը անդրադառնում է յանկարծ. «Տարիներին ամբողջ երթի վրայ միշտ կախուած է եղել իմ նախնիքների շուքը, որպէս յարատեւման բնագոյ ու արեան ձայն, իբրեւ խարիսխ գոյութեան» («Մեր Նախնիքների Ստուերները», էջ 40, «Անկասար»):

Ինքնութեան երկուութեան սուր պայքարը չի դադարում: Կարապենցի գրականութիւնը իր ամբողջութեան մէջ դառնում է այն փորձադաշտը ուր ի յայտ է գալիս եւ եւ իր պատկանած ընկերութեան յարաբերութիւնների փոխակերպումը. իսկ այս փոխակերպումը արդիւնք է ազգային պատկանելիութիւնների բախումների, բախում՝ արդի սփիւռքահայ մարդու գիտակցութեան եւ նախնիքների փոխանցած ու նրա անգիտակիցի մէջ ամրացած աւանդական միջերի միջեւ: Ահա՛ հանգոյցը, լարումը, *tension*-ը կարապենցեան գրականութեան:

Կարապենցի գեղարուեստական արձակը պատկերում է առօրեան սովորական մարդու, որ կարող եմ ես լինել, դու, նա՝ մեր հոգսերով, մեր սփիւռքեան պայքարով, մեր ճիգով՝ հաշտեցնելու մեր երկու ինքնութիւնները, որոնց յախտեմական հակադրութիւնը ցաւ է պատճառում: Ի՞նչ է այդ անբացատրելի զգացումը՝ մի այլ աշխարհի պատկանելու, այդ նուիրումը դէպի մի երկիր, մի ժողովուրդ, որ հեռու է, երբեմն նոյնիսկ անծանօթ, բայց այնքան մօտիկ, այնքան սիրելի:

Կարապենցի կեանքը դարձաւ գիտակցական պայքար՝ այդ երկուութեան միջեւ հաւասարակշռութիւն գտնելու: Պայքար համապագօրեայ՝ «յանուն հացի, հաւաքական ճիգի եւ ամենից կարելորդ՝ յանուն հայապահպանման» («Յառաջաբանի Փոխարէն», էջ 5, «Նոր Աշխարհի Հին Սերմնացանները»): Հայը տարագիր է ամէն տեղ, եւ «ամէն տարագրի սրտում տակաւին մխում է հայրենի տան կարօտը... Ամերիկեան քաղաքացիութեան քառասուն հատ վաւերագիր տուր իրենց, նորից կասեն, որ իրենք հայ են: Ո՛չ միայն հայ, այլեւ քննապցի, այնքապցի, եղեսիպցի, կան Աստուած գիտէ՛ որտեղացի» («Ջեֆերսոն», էջ 22, «Նոր Աշխարհի...»): Սրանք Ամերիկայի Ջեֆերսոն քաղաքի բնակիչներն են, երեւակայական մի քաղաք, որ ներկայացնում է մանրաշխարհը հայոց տարագրութեան, ուր դարասկզբին գաղթած հայերը այնտեղ «Ամերիկայում գտնուելով հանդերձ... Ամերիկայում չեն ապրում: Կերտել են իրենց ուրոյն պատեանը, մտել մէջը եւ ամփոփուել... Սեւ օրերի բեռը շալակած եկել են Ամերիկա (նոյն): Եւ ցեղի վերքը բուծելու համար աշխատում են, շինում»՝ նոր աշխարհի այս հին սերմնացանները (էջ 14): Կարապենցը արձանագրում է Ջեֆերսոնի պատմութիւնը, կարծես պատմութիւնը սփիւռքահայ գեթոների: Երկրորդ սերունդը ամերիկացել է: Բայց «յայտնի չէր որտե՞ղ էր սկսում ամերիկացին, որտե՞ղ վերջանում հայը: Հայը երբեւէ վերջանո՞ւմ է» (էջ 15): Յետոյ գալիս է ամերիկածին սերունդը, հին ու նոր աշխարհների պատուաստից առաջացած գեղեցիկ աղջիկներ ու տղաներ, որոնց ուղին տարբեր է: Մոլեռանդ չեն, ազգային նուատացման զգացում էլ չունեն. «նրանց ազգասիրութիւնը գիտակցական է, ուստի եւ զերծ հոգեբանական բարդոյթից... իրենց ազգային մեծութիւնը շարունակ ապացուցելու հարկադրանքի տակ չեն... ինքնավստահ են: ...Հայրերը չեն սիրում այդ: Կարծում են թէ զաւակները ուծացել են: Եւ խրամատը թէ՛ խորանում եւ թէ՛ տարածում է (էջ 19-20):

Ջեֆերսոնի դիալեկտիկական օրինակը տարածում է Կարապենցի բոլոր ստեղծագործութիւնների մէջ, եւ նկարում է Սփիւռքը իր բոլոր երեսներով: Իսկ այդ բոլորի սինթեզիսը՝ արդի սփիւռքահայ մարդու կերպարի փնտռտուք:

Կարապենցը իր կեանքի մեծ մասը, աւելի քան կէս դար, ապրեց ու ստեղծագործեց Ամերիկայում: Նրա գրականութեան անբաժանելի մասը դարձաւ Ամե-

րիկան՝ ֆիզիքական, հոգեկան, թե՛ բնագանցական: Բայց Ամերիկան մնաց լուսանցքային, չկարողացաւ տիրել միւթին: Հայրենիքը, չտեսած Հայաստանը, կառչած մնաց նրա երեւակայութեան մէջ ու դարձաւ փորձաքարը նրա ինքնութեան: «Ես ծնուած օրից ի վեր քսորական եմ եղել,- ասաց Վաչէ Եարջանեանը իր նոյնպէս քսորական, ամերեւոյթ ընկերոջ՝ Վագրին, որ իր եսն էր հաւանաբար, իր ներաշխարհը... Ես նոյնիսկ հայրենիքում ինձ քսորական եմ զգացել» («Վերադարձ Ու Վագր», էջ 11, «Մի Մարդ Ու Մի Երկիր»): Աքսորականի զգացումը չփարատուեց նրա հոգում անգամ երբ հայրենիքը գրկաբաց ընդունեց նրան հայրենիքի վտարանդի տաղանդաւոր գաւակին: Նա արդէն կորցրել էր ռիթմը իր ժողովրդի, նրանց հաւաքում օտար էր, այցելու-զբօսաշրջիկ.

«Երաժշտութիւնը հողի մէջ էր, ձիւնի մէջ, իրենց մարմինների մէջ, ես ճամբորդ՝ Բրուքս Բրադրոգի հագուստների մէջ, կորցրել էի դաշնը արեան ու հողի հետ եւ ձախաւեր սրունքներով փորձում էի վերագտնել ռիթմը, որը մաշուել էր օտար պողոտաներում» («Հայկական Շուրջպար», էջ 12, «Անկատար»):

Նա ինքն իրեն զգաց քսորի մէջ ու կարծես քսորն ու քսորականի հոգեբանութիւնը դարձաւ նախապայմանը նրա ստեղծագործութեան, դրսեւորումը նրա մասնայատկութեան:

Յակոբ Կարապետնցի գրականութիւնը Սփիւռքն է տարրալուծուած, իսկ Սփիւռքը Եղեռմն է դեռ չմարսուած, երկարածգուած: